



Na osnovu člana 8. Zakona o javnim nabavkama („Službeni glasnik BiH“, broj 39/14) i Pravilnika o postupku dodjele ugovora o uslugama iz Aneksa II. Dio B. Zakona o javnim nabavkama („Službeni glasnik BiH“ br. 104/14) i člana 3 stav 1. Odluke o proceduri stvaranja obaveza, broj P-177/08 od 28. marta 2008. godine i broj P-177/08-I od 15. aprila 2009. godine, predsjednik Ustavnog suda Bosne i Hercegovine, donosi

O D L U K U
o izboru najpovoljnijeg ponuđača

Član 1.

Ugovor za nabavku usluga hotelskog smještaja za sudije Ustavnog suda Bosne i Hercegovine u Sarajevu, dodjeljuje se ponuđaču „HOTEL EUROPA“ d.d. Sarajevo, za ponuđenu cijenu u iznosu od 9.307,98 KM bez uračunatog PDV-a, odnosno 11.055,00 KM sa uračunatim PDV-om i pripadajućim taksama, u skladu sa preporukom Komisije za izbor najpovoljnije ponude.

Član 2.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Stav (2) Zakona o javnim nabavkama.

Obrazloženje

Postupak predmetne nabavke pokrenut je Odlukom o pokretanju postupka broj P3-84/16 od 10. februara 2016. godine. Javni poziv za dostavu ponuda objavljen je na web stranici Suda dana 7. marta 2016. godine, i istog dana poslan na tri adrese. Predmet javne nabavke je neprioritetna usluga iz Aneksa II. Dio B. Zakona o javnim nabavkama Bosne i Hercegovine („Službeni glasnik BiH“ br. 39/14) i procedura javne nabavke je obavljena u skladu sa članom 8. Zakona o javnim nabavkama Bosne i Hercegovine, Pravilnikom o postupku dodjele ugovora o uslugama iz Aneksa II. Dio B. Zakona o javnim nabavkama („Službeni glasnik BiH“ br. 104/14) i podzakonskim aktima koji su doneseni u skladu sa Zakonom. Procijenjena vrijednost nabavke na godišnjem nivou iznosi 10.000,00 KM bez PDV-a. U postupku je utvrđeno da je Komisija za javnu nabavku blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajući zapisnik, u kojem je utvrđeno slijedeće:

- Da je ukupan broj pristiglih ponuda 1 (jedan);
- Da je blagovremeno zaprimljena 1 (jedna) ponuda;
- Da je broj prihvatljivih ponuda 1 (jedan);
- Da je broj neprihvatljivih ponuda 0 (nula);

Komisija za nabavku je nakon izvršenog pregleda zaprimljene ponude, predložila izbor ponuđača „HOTEL EUROPA“ d.d. Sarajevo, za ponuđenu cijenu u iznosu od 9.307,98 KM bez uračunatog PDV-a odnosno 11.055,00 KM sa uračunatim PDV-om i pripadajućim taksama.

Ova odluka objavit će se na web stranici Suda www.ustavnisud.ba istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

POUKA O PRAVNOM LIJEKU:

Protiv ove odluke može se izjaviti žalba, u pismenoj formi, najkasnije u roku od 10 (deset) dana od dana objave ex ante obavještenja o transparentnosti, ako je obavještenje objavljeno, odnosno 30 (trideset) dana od dana objave obavještenja o dodjeli ugovora, ako dobrovoljno ex ante obavještenje o transparentnosti nije objavljeno.

Broj P3-84/16-I
17. mart 2016. godine
Sarajevo



Predsjednik
Ustavnog suda Bosne i Hercegovine

Mirsad Ceman

Dostaviti:

1. Ponuđaču: 1.-
2. Finansijskom odjelu
3. Administrativnom odjelu/Arhivi